

Broj: 01-49-1-1555-22/18
Sarajevo, 08.01.2019. godine

Na temelju Zaključka Ureda za razmatranje žalbi, broj: JN2-03-07-1-1694-9/18 od 27.12.2018. godine, a vezano za Odluku ovog Ugovornog organa, broj: 01-49-1-1555-17/18 od 13.12.2018. godine, direktor Federalne uprave za geodetske i imovinsko-pravne poslove d o n o s i

O D L U K U

o nastavku postupka javne nabavke

I

U skladu sa Zaključkom Ureda za razmatranje žalbi, broj: JN2-03-07-1-1694-9/18 od 27.12.2018. godine, kojim se kao **neuredna odbacuje žalba** učesnika u postupku javne nabavke - „HIFA-PETROL“ d.o.o. Sarajevo, broj: JN-5669/18 od 05.12.2018. godine, izjavljena na Odluku o izboru najpovoljnijeg ponuđača, broj: 01-49-1-1555-12/18 od 29.11.2018. godine, nastavlja se postupak javne nabavke roba - „Nabavka goriva i maziva“ putem konkurentskog zahtjeva (Obavještenje na Portalu Agencije za javne nabavke BiH, broj: JN 399-7-1-21-3-26/18 od 02.11.2018. godine i Ispravka Obavještenja, broj: JN 399-7-1-21-8-27/18 od 06.11.2018. godine).

II

Prijedlog okvirnog sporazuma o javnoj nabavci roba - „Nabavka goriva i maziva“, dostavit će se na potpis odabranom ponuđaču - „Petrol BH Oil Company“ d.o.o. Sarajevo, a u skladu sa Odlukom o izboru najpovoljnijeg ponuđača, broj: 01-49-1-1555-12/18 od 29.11.2018. godine

III

Ova Odluka stupa na snagu danom donošenja i dostavit će se svim učesnicima u predmetnom postupku javne nabavke, te objaviti na internet stranici ovog Ugovornog organa (www.fgu.com.ba).

O b r a z l o ž e n j e

Postupak konkurentskog zahtjeva javne nabavke roba - „Nabavka goriva i maziva“ za potrebe službenih motornih vozila Federalne uprave za geodetske i imovinsko-pravne poslove pokrenut je Odlukom direktora Federalne uprave za geodetske i imovinsko-

pravne, broj: 01-49-1-1555/18 od 24.09.2018. godine i Izmjenom Odluke, broj: 01-49-1-1555/18 od 05.11.2018. godine.

Procijenjena vrijednost predmetne nabavke iznosila je 16.600,00 KM, bez uključenih iznosa pripadajućih indirektnih poreza, odnosno PDV-a.

Postupak je proveden sa objavom Obavještenja na Portalu Agencije za javne nabavke BiH, broj: JN 399-7-1-21-3-26/18 od 02.11.2018. godine, te Ispravkom Obavještenja, broj: JN 399-7-1-21-8-27/18 od 06.11.2018. godine.

Nakon provedenog postupka, a poštujući procedure propisane Zakonom o javnim nabavkama („Službeni glasnik BiH“, broj 39/14), ovaj Ugovorni organ je donio Odluku o izboru najpovoljnijeg ponuđača, broj: 01-49-1-1555-12/18 od 29.11.2018. godine.

Dana 05.12.2018. godine, putem fax-a ovog Ugovornog organa, te putem pošte na protokol dana 07.12.2018. godine, zaprimljena je žalba učesnika u postupku „HIFA-PETROL“ d.o.o. Sarajevo, broj: JN-5669/18 od 05.12.2018. godine, a vezano za Odluku o izboru najpovoljnijeg ponuđača, broj: 01-49-1-1555-12/18 od 29.11.2018. godine.

Žalba je, postupajući u skladu sa članom 100. stav 5. Zakona, proslijeđena Uredu za razmatranje žalbi, skupa sa Izjašnjenjem na navode žalbe, broj: 01-49-1-1979/18 od 07.12.2018. godine i kompletnim spisom predmetnog postupka nabave, te je postupak do donošenja odluke Ureda za razmatranje žalbi obustavljen Odlukom ovog Ugovornog organa, broj: 01-49-1-1555-17/18 od 13.12.2018. godine.

Rješavajući po predmetnoj žalbi, Ured za razmatranje žalbi je svojim Zaključkom, broj: JN2-03-07-1-1694-9/18 od 27.12.2018. godine, istu odbacio kao neurednu, u skladu sa članom 106. stav 2. i članom 111. stav 1. tačka b) Zakona.

Temeljem navedenog, donesena je Odluka kao u dispozitivu.

Pouka o pravnim lijekovima: Žalba protiv ove Odluke nije dozvoljena.



DIREKTOR

Željko Obradović, dipl.ing.geod.

DOSTAVITI:

1. Svim učesnicima u predmetnom postupku javne nabavke;
2. Komisiji za predmetnu nabavku;
3. U spis.